

2016-2017KO EPE-A: GAINDITUEN ZERRENDAREN INGURUKO INFORMAZIOA

Gaindituen zerrendak jasotzen dituzten Ebazpenak argitaratzea

Osakidetzako **2016-2017ko EPEaren web orrian** argitaratu dira **2018ko azaroaren 15ean** oposizioaldiko gaindituen zerrendak, puntuazio hurrenkeraren arabera, jasotzen dituzten Giza Baliabideetako zuzendariaren Ebazpenak, **kategoria hauetakoak:**

- Fak. Esp. Bihotz-Hodietako Kirurgiako Medikua
- Fak. Esp. Pediatria Kirurgikoko Medikua
- Fak. Esp. Toraxeko Kirurgiako Medikua
- Fak. Esp. Gaixotasun Infektiosoetako Medikua
- Fak. Esp. Etxeko Ospitalizaziorako Medikua
- Fak. Esp. Medikuntza Intentsiboko Medikua
- Fak. Esp. Medikuntza Prebentibo Eta Osasun Publikoko Medikua
- Fak. Esp. Neumologiako Medikua
- Fak. Esp. Neurokirurgiako Medikua
- Fak. Esp. Onkologia Medikoko Medikua
- Fak. Esp. Erreumatologiako Medikua
- Fak. Esp. Larrialdietako Medikua
- Fac. Esp. Biokimika Klinikoren Mediku-Teknikaria
- Fac. Esp. Ospitaleko Erradiofisikako Mediku-Teknikaria

Era berean, **hautaketa-prozesuko emaitzekin** lotuta, informazio hau argitaratu da:

- 1. eta 2. ariketetako emaitzak, ordena alfabetikoaren arabera
- Erantzun zuzenen txantiloia eguneratuta, hasierako txantiloiarekin egondako aldaketak jasoz, egon badira.

Gaindituen zerrendak argitaratu ondoren egin beharrekoetarako epea.

Kategoria horietako interesdunek egin beharrekoetarako izango duten epea **2018ko azaroaren 16tik azaroaren 29ra, biak barne, izango da.**

Interesdunek egin beharrekoak

Interesdunek gaindituen **zerrenda jasotzen duen Ebazpenaren kontra erregistratutako erreklamazioa aurkeztu ahalko dute**, 10 egun balioduneko epean, ebazpena argitaratu eta hurrengo egunetik zenbatzen hasita, hau da, **2018ko azaroaren 16tik azaroaren 29ra, biak barne.**

Gaindituen zerrendan dauden pertsonak, **hautaketa-prozesuarekin jarraitu nahi badute, jarraian aipatutakoak** egin beharko dituzte **2018ko azaroaren 16tik azaroaren 29ra bitarteko epean, biak barne, eskakizunen eta merezimenduen alegazioari** dagokionez:

1. Gaindituen zerrendan daudela egiaztatzea eta baita Osakidetzak eskura jartzen duen informazioa ere (2016-2017ko EPEko web orriaren kontsulta pertsonalizatuak atalaren bidez)

Osakidetzak eskura jarritako informazioa zuzena izango ez balitz, berrikustea/aldatzea eskatu ahalko dute, Datuak aldatzea eskatzeko dokumentuaren bidez (dokumentua abisu honetan duzue: "Gaindituen zerrenda: Eskakizunak eta Merezimenduak alegatzeko dokumentua).

Osakidetzak emandako informazioan beste Administrazio Publikoetan eskainitako zerbitzuak daudenean parte hartzen duen deialdiaren oinarri espezifikotako esperientzia profesionalaren baremoan ezarritako kategoria/lanpostu funtzionala ez den batean, aurreko atalean adierazitako 10 egun balioduneko epean, izangaiek dagokion Administrazio Publikoko administrazio-organo eskudunaren ziurtagiria aurkeztu beharko dute lanpostu hori eskatutako kategoria/lanpostu funtzionalarekin baliokidetu daitekeela egiaztatzeko.

Era berean, zerbitzuak Administrazio Publikoaren menpeko edo horri atxikitako sektore publikoko erakundeetan ematen direnean, eta ziurtagiria Administrazio Publiko horrek ematen ez duenean, erakundearen izaera publikoa egiaztatzen duen dagokion Administrazio Publikoaren organo eskudunak igorritako egiaztagiria aurkeztuko da.

2. Eskakizunak eta Merezimenduak alegatzeko dokumentua betetzea, erregistratzea eta aurkeztea (dokumentua abisu honetan duzue: "Gaindituen zerrenda: Eskakizunak eta Merezimenduak alegatzeko dokumentua) dagokion dokumentazioarekin batera, beharrezkoa balitz, deialdiaren oinarriekin eta gaindituen zerrenda jasotzen duen Ebazpenarekin bat etorritik.

Eskakizunak eta Merezimenduak alegatzeko dokumentua epean entregatzea ezinbestekoa da hautaketa-prozesuarekin jarraitzeko.

3. Eskakizunak eta Merezimenduak alegatzea eta/edo entregatzea deialdiaren oinarri orokor eta espezifikotatik eta gaindituen zerrenda jasotzen duen Ebazpenean ezarritako moduan (dokumentua abisu honetan duzue: "Gaindituen zerrenda: Eskakizunak eta Merezimenduak alegatzeko eskuliburua).

Eskakizunak eta Merezimenduak kontsideratzeko azken eguna deialdien 2016-2017ko Enplegu Publikoaren Eskaintzan izena emateko azken eguna izango da, **euskararen ezagutza egiaztatzerakoan izan ezik** (hizkuntza-eskakizunak).

Eskakizunak:

Titulazio akademikoa: aipatutako titulazioa alegatu beharko duzu, aplikazio informatikoaren bidez eskatzen dizuten informazioa mekanizatuz.

Nazionalitatearen eskakizuna: NANA (Nortasun Agiri Nazionala) ez baduzu, dagokion dokumentazioaren bidez akreditatu beharko duzu.

Desgaitasuna: desgaitasuneko/desgaitasun intelektualeko kupoaren barruan parte hartzen baduzu, aipatutako egoera aitortzen dien ebazpenaren kopia konpultsatua ekarri beharko duzu.

Merezimenduak:

Esperientzia profesionala: emandako zerbitzuen jatorrizko ziurtagiria edo notarioak emandako benetako kopia aurkeztu beharko duzu, deialdiaren oinarriekin adierazitako edukiarekin.

Osakidetzan emandako zerbitzuak ofizioz konputatuko dira; era berean, Osakidetzan erregistratutako beste Administrazio publikoetan emandakoak ere, baldin eta Osakidetzaren eskura jarri badira aplikazio informatikoan.

Prestakuntza, irakaskuntza eta ezagutzaren hedapena: merezimendu hauek aplikazio informatikoaren bidez eskatutako informazioa mekanizatuz alegatu beharko dituzu. Une honetan ez da beharrezkoa dokumentuekin akreditatzea.

Euskara:

Aplikazio informatikoan erregistratuta ez badago, akreditatuta dituzun **hizkuntza-eskakizunak alegatu ahalko dituzu** eskakizun eta/edo merezimendu gisa kontsideratu ditzagun, betiere eskakizunak eta merezimenduak egiaztatzeko epearen azken egunera arte; hots, 2018ko azaroaren 29ra arte.

Eskakizun eta/edo merezimendu kontsideratuko dira ere, **2016-2017ko Enplegu Publikoaren Eskaintzaren esparruan eginiko hizkuntza-eskakizunak egiaztatzeko proba espezifikoaren bidez** egiaztatutako hizkuntza-eskakizunak. Hizkuntza-eskakizunak egiaztatzeko probei buruzko informazio gehiago nahi izanez gero, **2016-2017ko** EPEaren euskara-probaren inguruko Informazio-oharraren abisua kontsulta dezakezu.

Aplikazio informatikoan sartzea eta pasahitza

Osakidetzan dagoen informazioa egiaztatzeko eta eskakizunak eta merezimenduak alegatzeko, webera elektronikoki sartu beharko zara: <http://www.osakidetza.euskadi.eus>, ibilbide honen bidez: Profesionalak/Hautatze eta hornidura/2016-17ko EPEa/Kontsulta pertsonalatuak.

Hautaketa-prozesuan erabili beharreko **pasahitza** hau da:

a) Osakidetzako informazio sistemetara (Enpleguaren Ataria, Osabide edo Norbide) sartzeko erabiltzen duzuna, 2014ko urtarrilaren 1etik Osakidetzan lan egiten duten edo lan egin duten pertsonak barne. Pasahitza gogoratzen ez baduzu telefono honetara deitu: 945 00 6464.

b) Osakidetzako informazio sistemetarako sarbidea eduki ezean, 2016-17ko EPEan izena emateko erabili zenuena. Pasahitza gogoratzen ez baduzu:

- eskabide-orrian bertan pasahitza bidaltzea eska dezakezu, aplikazioak sarbide-kontrolan pasahitza eskatzen dizunean. Kasu horretan, eskabidea egitean eman zenuen helbide elektronikora bidaliko zaizu pasahitza.

- modu horretan pasahitza ezin baduzu berreskuratu, edo bidalitakoak ez baditu eskabidera sartzen uzten: harremanetan jar zaitezke 945006150 telefonoan. Bertan, pasahitza eskatzeko eta lortzeko modua zein den adieraziko dizute edo, epe-ope@osakidetza.eus; helbidearen bidez eska dezakezu, NANaren kopia eskaneatua bidaliz.

Dokumentazioa ematea

Dokumentazioa Administrazio Publikoen Administrazio Prozedura Erkidearen urriaren 1eko 39/2015 Legearen 16.4. artikuluan ezarritako moduan aurkez dezakezu (Estatutuko Administrazio Orokorraren, Autonomia Erkidegoko edozein Administrazioaren, Lurraldeko Aldundien, Kabildoren eta Uharteko kontseiluen edozein Administrazioaren eta abarren administrazio-organoko erregistroetan).

Aurrez aurreko arreta behar izanez gero, Osakidetzak aukera hauek ematen dizkizu:

Osakidetzako langilea bazara, zure Zerbitzu Erakundeko Pertsonaleko Zuzendaritzara jo dezakezu.

Osakidetzan lanean ez daudenentzat, aurrez aurreko arretarako lekuak jarraian jasotakoak izango dira:

Araba:

- Osakidetza.Zuzendaritza Nagusia. Hautaketa eta Horniketa Zerbitzua. Araba kalea, 45. Gasteiz
- Araba ESla. Txagorritxu Egoitza. (José Axotegi kalea z.g. 01009 - Vitoria-Gasteiz)
- Arabako Errioxako ESla. (Logroño-Vitoria errepidea, 59. km. Guardia)

Bizkaia:

- Ezkerraldea Enkarterri Gurutzeta ESla. (Gurutzetako plaza z.g. Gurutzeta-Barakaldo)
- Bilbao-Basurtu Erakunde Sanitario Integratua. (Montevideo etorb.,18. Bilbo)
- Barrualde-Galdakao ESla. (Labeaga auzoa z.g. Galdakao)
- Uribeko ESla. (Goieta kalea 32 - 48610 Urduliz)

Gipuzkoa:

- Donostialdea ESla. (Begiristain dk. pasealekua, z.g., Donostia- San Sebastián)
- Bidasoako ESla. (Zubieta finka, Mendeluko auzoa, z.g., Hondarribia)
- Debagoiena ESla. (Nafarroako etorbidea, 16. Arrasate-Mondragón)
- Goierri-Urola Garaiko ESla (Argixao auzoa z.g. Zumarraga)
- Debarreneneko ESla (Mendarozabal auzoa, z.g. Mendaro)

Aurrez aurreko arretako ordutegiak:

Astelehenetik ostiralera: 9:00etik 14:00etara.

Arreta-ordutegia Giza Baliabideetako Zuzendaritzako Hautaketa eta Horniketa Zerbitzuan (Vitoria-Gasteiz)

Astelehenetik ostegunera: 9:00etatik 13:30era eta 15:00etatik 16:30era

Ostirala: 9:00etik 14:00etara.

Informazioa

Interesdunek informazio gehiago eskura dezakete:

<http://www.osakidetza.euskadi.eus> (Ibilbidea: Profesionalak/Hautatze eta Horniketa/2016-17eko EPEa) eta 945006150 telefono zenbakian.

Vitoria-Gasteizen, 2018ko azaroaren 15an.